



Broj: 07-14-645/18
Vogošća, 07.05.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 07.05.2018. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA REKONSTRUKCIJI
VODOVODNE MREŽE U DIJELU ULICE DONJI HOTONJ (POTEZ M18-DŽAMIJA), NA
PODRUČJU OPĆINE VOGOŠĆA**

Član 1.

Ponuda ponuđača "Šf inženjering" d.o.o Tuzla, ulica Turalibegova broj 22. Tuzla, odabrana je za izvođenje radova na rekonstrukciji vodovodne mreže u dijelu ulice Donji Hotonj (potez M18-džamija), na području općine Vogošća, kao najpovoljnija ponuda po kriteriju najniže cijene, sa ukupnom cijenom nabavke u iznosu od 135.213,00 KM bez PDV-a, odnosno 158.199,21 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 03.04.2018. godine donio Odluku o pokretanju Otvorenog postupka nabavke radova na rekonstrukciji vodovodne mreže u dijelu ulice Donji Hotonj (potez M18-džamija), na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 04.04.2018. godine pod brojem: 1353-1-3-54-3-30/18.

Sažetak Obavještenja o nabavci objavljen je u "Službenom glasniku BiH" broj: 21/18 od 06.04.2018. godine.

Tendersku dokumentaciju sa Portala javnih nabavki BiH je preuzelo 15 (petnaest) ponuđača. Krajnji rok za prijem ponuda je bio 20.04.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 20.04.2018. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 6 (šest) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Šf inženjering" d.o.o Tuzla	143.954,90	/	/	168.427,23
2	"Hidrom" d.o.o Vogošća	144.691,95	/	/	169.289,58
3	"Manjo" d.o.o. Sarajevo	154.895,85	/	/	181.228,14
4	"Mibral" d.o.o. Sarajevo	145.558,20	/	/	170.303,09
5	Konzorcij "Hydra" d.o.o. Sarajevo i "Sela" d.o.o. Sarajevo	142.249,30	/	/	166.431,68
6	"Ted invest" d.o.o. Sarajevo	162.447,00	5%	154.324,65	180.559,84

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-645/18 iz aprila 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Hidrom" d.o.o. Vogošća, ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. TD pod a), a u skladu sa članom 51. Zakona traženo je da je ponuđač u posljednjih 5 (godina) godina računajući od dana podnošenja ponude, kao glavni izvođač radova realizovao minimalno jedan projekat čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 100.000,00 KM bez PDV-a.

Tačkom 7.4.2. TD pod a) je traženo da se u svrhu dokazivanja ispunjenja uslova iz tačke 7.4.1. pod a) dostavi spisak izvršenih ugovora u ukupnom iznosu od 100.000,00 KM bez PDV-a u posljednjih 5 (pet) godina računajući od dana podnošenja ponude-referenc lista, koju sačinjava ponuđač na svom memorandumu sa potvrđama o izvršenim ugovorima od strane krajnjeg korisnika u skladu sa članom 48. stav 2. Zakona.

Ponuđač "Hidrom" d.o.o. Vogošća je u svojoj ponudi dostavio potvrde o izvršenim ugovorima od strane krajnjeg korisnika, u skladu sa članom 48. stav 2. Zakona, međutim propustio je da dostavi spisak izvršenih Ugovora-referenc listu traženu TD.

- Tačkom 9.8.1. TD, a u skladu sa članom 61. Zakona propisano je da je ponuđač uz ponudu dužan dostaviti garanciju za ozbiljnost ponude u iznosu od 1 % procijenjene vrijednosti nabavke. Obrazac garancije za ozbiljnost ponude i garancije za uredno izvršenje ugovora trebaju biti u formi predviđenom Pravilnikom o formi garancije za ozbiljnost ponude i izvršenje ugovora ("Službeni glasnik" BiH broj: 90/14).

Ponuđač "Hidrom" d.o.o. Vogošća je u svojoj ponudi (strana 109. ponude) dostavio garanciju za ozbiljnost ponude broj: WD180417AV.46207 od 17.04.2018. godine izdatu od strane UniCredit Bank d.d. Mostar.

Dostavljena garancija nije zapakovana u skladu sa odredbama Pravilnika o formi garancije za ozbiljnost ponude i izvršenje ugovora ("Službeni glasnik" BiH broj: 90/14). Naime, članom 3. predmetnog Pravilnika propisano je da se garancija za ozbiljnost ponude dostavlja u originalu, u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude.

Garancija ponuđača "Hidrom" d.o.o. Vogošća je dostavljena u plastičnoj foliji koja je na dnu potpuno otvorena, te se ista bez smetnji može izvaditi, odnosno u toku listanja ista ispada iz folije.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Ted invest" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. TD pod b), a u skladu sa članom 51. Zakona propisano je da je ponuđač/kandidat dužan imati na raspolaganju između ostalog i 2 izvršioca, minimum KV radnici mašinske struke-vodoinstalateri.

Tačkom 7.4.2. TD pod b) je traženo da se za 2 izvršioca, minimum KV radnici mašinske struke-vodoinstalateri kao dokazi dostave Diplome/svjedočanstva o završenoj stručnoj spremi i dokazi o radnom angažmanu, a koji mogu biti izvodi iz matične evidencije uposlenih (PIO/MIO), Lista osiguranih lica iz Poreske uprave-nadležne ispostave, Potvrđevljenja izdata od strane poslodavca, Ugovori o djelu, Ugovori o poslovno tehničkoj saradnji, shodno tački 7.4.1 b.

Ponuđač "Ted invest" d.o.o. Sarajevo je u svojoj ponudi (strana 74. ponude) dostavio Uvjerenje o stručnoj osposobljenosti broj: 1812/209 od 22.03.1989. godine, izdato od strane Unioninvest-Sarajevo, Centra za obrazovanje kadrova, kojim se dokazuje da je uposlenik Adžamija Sead, zaposlen u RO Hidroterma OOUR Cjevovod, stručno osposobljen za poslove i radne zadatke montera vodovoda-III stepen.

Komisija za javne nabavke cijeni da dostavljeno Uvjerenje nije u skladu sa traženim dokazima iz tačke 7.4.2. pod b) TD i da isto ne ispunjava uslove postavljene u TD (tražene su Diplome/svjedočanstva o završenoj stručnoj spremi).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Šf inženjering" d.o.o Tuzla,
- "Manjo" d.o.o. Sarajevo
- "Mibral" d.o.o. Sarajevo i
- Konzorcija "Hydra" d.o.o. Sarajevo i "Sela" d.o.o. Sarajevo

ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom, te je izvršena računaska provjera dostavljenih ponuda, nakon čega je utvrđeno da postoji računaska grešaka u ukupnom iznosu Ponude ponuđača "Mibral" d.o.o. Sarajevo.

Komisija za javne nabavke postupajući u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14) je izvršila ispravku računске greške, te je aktom broj: 07-14-645/18 od 24.04.2018. godine dostavila na davanje saglasnosti ponuđaču "Mibral" d.o.o. Sarajevo.

Ponuđač "Mibral" d.o.o. Sarajevo je svojim aktom broj: 144-2.1-04/18 od 25.04.2018. godine dao saglasnost na ispravku računске greške, tako da umjesto ukupne ponuđene cijene u iznosu od 145.558,20 KM bez PDV-a, ukupna cijena ponude nakon prihvaćene ispravke od strane ponuđača iznosi 145.561,20 KM bez PDV-a.

Komisija za javne nabavke je konstatovala da su svi ponuđači u skladu sa tačkom 9.2.1. TD u svojim ponudama dostavili Potvrde vanjskotrgovinske komore BiH, a u cilju dokazivanja ispunjenja uslova o primjeni preferencionalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16).

Tenderskom dokumentacijom-tačkom 9. 5. (Ispravka računskih grešaka i e-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana 27.04.2018. godine u 10:45 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 27.04.2018. godine, Komisija za javne nabavke je sačinila sljedeću Rang listu u u Otvorenom postupku nabavke radova na rekonstrukciji vodovodne mreže u dijelu ulice Donji Hotonj (potez M18-džamija), na području općine Vogošća:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Šf inženjering" d.o.o Tuzla	135.213,00	158.199,21
2	"Manjo" d.o.o. Sarajevo	135.356,00	158.366,52
3	Konzorcija "Hydra" d.o.o. Sarajevo i "Sela" d.o.o. Sarajevo	135.500,00	158.535,00
4	"Mibral" d.o.o. Sarajevo	136.000,00	159.120,00

Obzirom da je ponuda ponuđača "Šf inženjering" d.o.o Tuzla kao prvoplasirana na Rang listi nakon održane E-aukcije sa ukupnom ponuđenom cijenom u iznosu od 135.213,00 KM bez PDV-a, prelazila procijenjenu vrijednost nabavke u iznosu od 100.000,00 KM bez PDV-a predviđenu Tenderskom dokumentacijom, Komisija za javne nabavke je dana 27.04.2018. godine zatražila izjašnjenje od nadležne Službe, da li može obezbijediti razliku sredstava u iznosu od 35.213,00 KM bez PDV-a za realizaciju predmetne nabavke.

Služba za komunalne, poslove mjesnih zajednica i zajedničke poslove se aktom broj: 07-14-645/18 od 07.05.2018. godine očitovala da može obezbijediti traženu razliku sredstava za realizaciju predmetne nabavke.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Šf inženjering" d.o.o Tuzla, za izvođenje radova na rekonstrukciji vodovodne mreže u dijelu ulice Donji Hotonj (potez M18-džamija), na području općine Vogošća, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 135.213,00 KM bez PDV-a, odnosno 158.199,21 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

- | | |
|---|-------------|
| 1. "Šf inženjering" d.o.o Tuzla | 035/257-024 |
| 2. "Hidrom" d.o.o. Vogošća | 033/434-942 |
| 3. "Manjo" d.o.o. Sarajevo | 033/618-372 |
| 4. "Mibral" d.o.o. Sarajevo | 033/656-680 |
| 5. "Hydra" d.o.o. Sarajevo i "Sela" d.o.o. Sarajevo | 033/692-703 |
| 6. "Ted invest" d.o.o. Sarajevo | 033/668-306 |
| 7. Nadležnoj Službi | |
| 8. U dosije | |
| 9. a/a | |



OPĆINSKI NAČELNIK

Edin Smajić
EDIN SMAJIĆ